

108 517

# QVÆSTIO MEDICA

QVODLIBETARIIS DISPVATIONIBVS

MANE DISCVTIENDA

IN SCHOLIS MEDICORVM

Die Iovis 16. Decembris.

M. MATHVRINO DENYAV, Doctore Medico  
& Professore Regio Præside.

*An in Corpore humano imperium Monarchicum exercetur.*

I.

**H**VMANVM Corpus in se seorsim spectatum est vnum quid per se, compositionis modo, in quo primum quid dari necessum est, ex quo cætera dependant, vt fieri amat in omnibus rebus ordine Constitutis: hinc Cor ut ante alia omnia formatur (saltem priusquam Cerebrum Galeno consentiente). ita primum sit oportet, subiectum animæ quæ est actus primus corporis organici potentia vitam habentis, primaque omnium illius facultatum sedes; animæ autem pro ratione actionum, quibus in corpore defungitur, triplex est genus, vitæ, sensus, & ratiocinij; sed anima rationalis vegetantis ac sentientis vitæ, non eminenti tantum dignitate naturæ, sed ut ajunt formaliter virtutes complectitur & partes obit; quare una completam humani corporis machinam triplici facultatum genere regit atque administrat. Tres omnino sunt principes vegetantis animæ facultates nutritiua, augmentatiua, & generatiua: hæ nec in temperamento primarum qualitatum, nec in calore naturali consistunt, nutritio & augmentatio sunt motus continui per se ac successivi. In his omnibus functionibus obeundis omnes corporis nostri partes a se invicem dependent; unde necessario agnoscenda est pars prima, a qua ceteræ omnes sustentantur, regantur, & conserventur idem in microcosmo fit atque in magno illo mundi theatro, ut enim sol omnia luce sua collustrat, foveat ac tuetur, ita cor calore ac spiritu vitali nectareque vivifico perfundit totius corporis compagem, quorum influxu partes omnes suis muneribus probe funguntur: ipsum vero instar unius principis omnino sui iuris sibi que sufficiens, nullius partis simili auxilio indiget: immo in quibusdam animalibus media illa pars vivit, in qua cor continetur, partibus superioribus & inferioribus amputatis.

II.

**E**ST enim cor fons vitæ ac nutritionis in eo altricis facultatis insigniora explentur munia, huius genuina materia est sanguis proprio sinu conclusus, in quo tanquam in centro quiescit, solo animæ imperio corpori

A

alendo destinata, cum sanguis per cætera omnia membra vagus fluxilisque venarum & articularum ductibus transfundatur, qui reſeratis ruptis, erofisque his vafis quoquo verſum effluit. Nulla pars in concepta genitura Corde prius rubere ac ſanguine aſpergi conſpicitur: præſtat enim hoc viſcus primura nutriti, quod ſanguini cæteris partibus diſtribuendo a natura comparatum eſt. Neque vero ab aliis partibus perfectus ſanguis per venas ad cor deducitur, cum ſine alio ullo conceptaculo in cordis ſubſtantia tanquam in origine Sincerus, placidus, & ab omni corruptionis labe immunis ſubſiſtat, in alias autem partes, ſi è venis excidit, corrumpitur, & motu cordis in ordinato effertur. Vnde natura provida ſanguinis diſpenſatrix venas a Corde velut ab uberrimo fonte tanquam tubos quosdam in omnes vel minimas Corporis alendi gratia particulas diſperſit, atque in intimam earum ſubſtantiam immerſit & tranſmutavit. Cordis ſubſtantia ſanguinis puriſſimi concreti & denſati ſoboles eſt: reliqua viſcera nigro quodam & fulco colore tincta ſanguinis ſæcem ſui materiam & baſin indicant: quippe ſanguis potentia eſt pars quælibet, viresque omnes ac facultates ſuſcipit, quoniam cuique parti velut idoneum fundamentum ac pabulum ſubſternitur: hoc demonſtrat dexter cordis ventriculus a quo vena cava huius ſubſtantie ſimillima exoriri conſpicitur, a iecoris natura quæ tota mollis eſt omnino aliena; omnes venæ a cavâ ortæ reducuntur ad Cor ſui originem Portaque eſt Cavæ propago è iecore ad inteſtina per meſenterium emiſſa, alimentis ad Iecur & cavam advehendi ac poſtmodum diſtribuendi, expurgandorumque excrementorum cauſa: cor igitur omnes venas tanquam propagines quaſdam ex ſe ſe effundit eſt que velut quidam truncus qui in hos omnes ſurculos fruticeſcit.

## I I I.

**N**ON ſolum facultatis altricis in corde imperium natura ſtabiliuit, ſed etiam in eodem ſixit potentiam quæ ſalutari lumine omnes corporis particulas illuſtrat, & ſanguine velut vernaculo pabulo fulcroque ſuſtentat ac fovet: vitalis ideo dicta quod toti corpori vitam impertiatur, a parte animæ naturali efluens, nec ullatenus diſtincta, nec prior nec poſterior, omnes enim partes animæ aut naturæ imperio ſubjiciuntur, omneſque animalis functiones aut abſolutè liberæ ſunt, eaſque poteſt excitare ac cohibere prout libuerit, aut ad eas impellitur naturali neceſſitate laceſſitum, quæ una ſolet eas immutare; non animæ ullum arbitrium aut ulla dominatio: una eademque facultas unius duntaxat partis principis tribunali gaudet, a qua per vicarios quosdam miniſtros ſua omnia expleat munia: unde cor in medio thoracis æquum fuit ſiſtere velut tutiſſimo loco, ex quo vitalem Calorem ac ſpiritum, humoremque gratioſum in omnia membra poſſet peræque diſfundere, ſicque ſingularum deſideriis admirabili providentia valeat conſulere. Plura uni formæ parare domicilia natura ordinis amantiſſima non fert quæ ut in omni rerum natura ſic in animalis adminiſtratione ad unius tantum principii dominium cuncta ſua revocaret que ſubjicit. Superior cerebri regio frigida omnium maximè ad tuendum animæ calorem inepta cordis obſequio potius quam imperio nata: non ſinit nec patitur tot facultatum dignitatem ab inferioris regionis ſentinæ corporis ſæda illuvie conſpurcari. Cor cavum eſt ut multum ſanguinis caloris ſpiritusque contineat denſum, ne innatus ille ignis animantium author & cuſtos euolet atque tenues

in altas vanescat; eius cuspis inferiorem locum obtinens in anteriorem & sinistram partem sub papillam inclinat, ad anteriorem quidem ut calidior fiat ea pars in quam fit motus, ad laevam vero ut eius frigiditas temperetur, ut cedat cava corpus sit æquibilibre, lieni & ventriculo faveat, ne sit impedimento diaphragmati & primo liberæ respirationis organo. In eo duo sinus dexter sanguini, sinister spiritui vitali, & sanguini arterioso dicatur.

## I Y.

**P**ORRO in eadem parte sensuum & nutritionis ac vitæ principium constituitur necesse est. Quamvis enim vivens & nutriens separari a sentiente potest, hoc tamen sine illo stare non valet; cum animalis vita nusquam sensu destituta per se subsistat: quo solo animal constituitur primò & a plantis distinguitur; alias viveret & non viveret: plures haberet animas loco situque distinctas: sentientem quoque facultatem in corde tanquam in basilica considerare necessaria principiorum unio demonstrat: in lætitia cor diffundi suoque motu exultare, in merore autem contrahi omnes persentiunt: est igitur sedes appetitus omnis: at appetitus sequitur cognitionem sensus (ignoti nulla Cupido) moxque appetitum motus: neque appetitus potest esse, sine sensu neque motus sine appetitu. Resque ipsa testatur animalia illa quæ durū & densum habent cor, hebeti plane sensu esse, valere autem sensu quæcunque mollius, pavida quæ grandius audentia quæ minus. Cor in prima generatione statim sanguine præditum est, atque eriam ab ipso, vel ante ipsum cerebrum formatum est sentit, pulsat perpetuo motu agitur, seu animal quodpiam sit, quod sentiendi & movendi facultatem per se habeat, aliisque subinde largiatur ea enim potentia a corporis medulla omnes corporis particulas convenienti ratione potest impellere, & ab ea per nervos in omnes distribui. Hæc autem præstantissima facultas immota partes movet. Sic nulla unquam movetur pars, quæ dum impellitur, non observetur aliqua sui parte immobilis. In quamcumque dimensionem feratur animal semper sit flexus aut directio, semper est aliqua pars quæ non cietur, & cui innixa animæ facultas eam partem quæ movetur movet. Pars ea immobilis est media: hinc movens facultas suffulta media parte illius membri quod concutitur, reliquas illius membri particulas concitat, unde patet moventis facultatis principium, in medio corpore, ideoque in corde, & in ipsius cordis parte media immobili considerare quæ animam sustinet, quæ totum corpus impellit, moventisque animæ tuetur principatum.

## V.

**I**TAQUE jucundæ rei imago sensum primo concitat, sensus phantasia, phantasia appetitum, cui obsequens motrix facultas animal impellit, ut salutaria prosequatur noxia fugiat: tum ipsa suo suffulta organo, scilicet spiritu a corde derivato, nervos contrahit & adducit, partesque animalis commovet, unde non est alia virtus qua irascatur, alia qua concupiscat, sed una & eadem animæ vis est & facultas in eadem parte posita, per quam amica confectatur inimica repellimus atque aversamur; imperium monarchicum in humano corpore cor exercet vitali spiritu munitum. Anima in corde imperat, in eoque spiritus animæ præcipuum ac generale ad omnia instrumentum generatur, quo ad

Iecur, ad cerebrum, ad testes, ad omnes omnino corporis partes diffuso omnibus præsto est ac providet; dumque omnibus vires addit quibus singula opus suum conficiant per vicarias partes verè cor administrare omnia censetur huic soli conditiones partis principis absolutè conveniunt, non enim duntaxat independentem ab aliis partibus virtutem obtinet, sed contra virtutem suam propriam toti corpori communicat, & inter reliquas partes principatum ac dominium sibi iure vendicat, eum sit primum animæ cunctarumque eius virtutum domicilium. Illi famulatur Iecur, dum calore ac spiritu ab eo derivato sanguinem illi præparat, ut materiam ex qua tum vitalem spiritum tum nutritionem totam absolvat. Testes in sua virtute a corde dependent, quippe sanguinem calorem ac spiritum vitalem, unde semen prolificum perficitur a Corde accipiunt. Cerebrum Cordi ministrare iudicatur, dum eodem calore ac spiritu, velut principis potestate suscepto, sensum & motum exequitur. Cor autem una impellit animam, hic etiam spiritus ad unius animæ ministeria comparatus unus existit, diversis tamen facultatibus hæc anima se ostendit, ideoque spiritum virium suarum delatorem in diuersas partes exporrigit. Hic venas pervadens potentia naturali fultus congenitum cuique parti spiritum nutritioni restaurat: per arterias vero in singulas partes distributus, vitam quam a Corde mutuatur omnibus partibus impertitur; idem spiritus nervos permeans virtute animali dotatus, ea sensu præditas partes illustrat, & pro multiplici organorum varietate distinctas etiam dissimilesque operationes edit; in oculis colorum discernit in lingua saporem differentias, & in aliis etiam sensorijs alia quoque se ratione prodit. Cor propterea non sibi soli, sed omnibus prospicit, sanguinis & spirituum vitalium generatione, per quos tanquam princeps unicus omnes edere functiones existimatur.

*Ergo in humano Corpore imperium Monarchicum Exercetur.*

## DOMINI DOCTORES DISPVTARI.

*M. Petrus Crescé,  
M. Petrus le Targe,  
Serenissima Lusitanorum  
Regine primarius medicus.  
M. Antonius Ioannes Morand,*

*M. Michaël Denyau,  
M. Claudius de Frades,  
M. Arydus le Bel  
Vnici Regis Fratris  
Medicus ord.*

*M. Cyrianus Hubaut,  
M. Guido Parin.  
Professor Regius.  
M. Iacobus Theuast  
Scholarum Professor*

Proponebat Lutetia DOMINICVS DE FARCY,  
Parisiensis, anno M. DC. LXVI.

Ex Typographia GABRIELIS TARGA, in vico sancti Victoris,  
sub signo solis aucti.